

正法華經卷第二

西晉三藏竺法護譯

木二

然世尊鄙當爾時用自剋責晝夜寢念雖從法生不得自在偏蒙聖恩得離惡趣今乃還

聞時舍利弗以頌讚曰

於是賢者舍利弗聞佛說此欣然踊躍即起

叉手白衆祐曰今聞大聖講斯法要心加歡

喜得未曾有所以者何常從佛聞說法化導

諸菩薩乘見餘開士聽承佛音德至真覺甚

自悼感獨不豫及心用灼惕所示現議所不

紹逮我已永失如來之慧假使往返山林巖

藪曠野樹下閒居獨處若在宴室謹勑自守

一身經行益用愁毒深自惟言法號等入世

尊爲我現若干教而志小乘自我等咎非如

來也所講演法大聖等心爲開士歎思奉遵

者爲受第一如來訓典甚至無上正真之道

我等所順而被衣服所建立願不以頻數唯

得聞佛乘一句之義超出本望怪未曾有所當受獲非心口言覩大尊雄益懷喜歡假使有人能造行者聞安住音以爲奇雅諸塵勞垢鄙以蠲盡音聲之信亦悉永除我本晝日設經行時若在樹下端坐一心設在林藪山巖之中心自思惟如此行義嗚呼自責弊惡之意因平等法而得無漏不由三界順尊法居追悔過事以誠將來紫磨金容相三十二我已違遠失不自嚴衆好八十具足殊特種種積累不以瓔珞根力脫門八部之音於平等法而自危削諸佛之法有十八事如是之義我已永失

音聲所聞 達於十方 吾以得見 慇世俗者  
一身獨已 畫日經行 又自剋責 而內思惟  
我每夙夜 深自料計 反側宛轉 怨度已身  
當問世尊 如是之義 鄙何所失 當復所失  
現在眼前 於聖明日 夙夜過去 逝不休息  
木一

見餘菩薩 而不可計 世雄導師<sub>二</sub>之所開化  
彼等悉聞 此佛音教 爲諸群萌 講演法力  
其法無想 諸漏已盡 普悉曉暢 致微妙慧  
觀若干種 諸所祠祀 歷外異學 諸邪僞術  
由是之故 解佛音教 觀已脫門 即說滅度  
一切得解 諸所見行 尋時開了空無之法  
由是自謂 已得滅度 今乃自知 非至泥洹  
得覩諸佛 天中之天 時人中上 衆會圍繞  
三十二相 光色巍巍 因斯覺了 至度無餘  
我適聞說 除於衆熱 不以音聲 而得無爲

如我所知 正覺師子 諸天世人 之所奉事  
則以力勢 恒住如斯 第一初聞 大聖之教  
波旬時化 變爲佛形 無得爲魔 之所燒害  
如因緣行 而引說喻 無央數億 顯現姪限  
善立彼岸 至道意海 得聞彼法 除諸狐疑  
有一百千佛 及姪之數 悉得覩見 衆滅度勝  
如斯諸佛 所說經典 善權方便 隨順御之  
假使有人 現究竟行 當來諸佛 衆億百千  
善權方便 導御是黨 爲講說法 誘進泥洹  
木二隨其體像 化以慧行 悉而分別 次第所有  
諸佛之法 所當教誨 尋即承聖<sub>三</sub>受轉法輪  
世雄導師 現真雅訓 吾亦如是 依蒙其像  
彼諸魔衆 而不敢當 心未嘗懷 邪疑之礙  
普興柔軟 深妙之道 以佛音聲 而得歡欣  
今日所有 諸志猶豫 以棄沈吟 住於聖慧

我成如來無衆結網諸天世人以爲眷屬今日得覩佛之道眼當勸助化於諸菩薩佛告賢者舍利弗今吾班告天上世間沙門梵志諸天人民阿須倫佛知舍利弗曾以供養三十二千億佛而爲諸佛之所教化當成無上正真之道吾身長夜亦開導汝以菩薩義爾緣此故興在吾法如來威神之所建立亦本願行念菩薩教未得滅度自謂滅度舍利弗汝因本行欲得識念無央數佛則當受斯正法華經一切佛護普爲聲聞分別說之佛語舍利弗汝於來世無量無數不可計劫供養億百千佛受正法教奉敬修行此方等經具足衆行當得佛道號蓮華光如來至真等正覺明行成爲善逝世間解無上士道法御天人師其世界名離垢平等快樂威耀巍

巍諸行清淨所立安隱米穀豐賤人民繁熾男女衆多具足周備琉璃黃金以爲長繩連綿路傍一切路邊有七寶樹八重交道行樹枝葉華實常茂蓮華光正覺亦當承續說三乘法而佛說法具足一劫所可演經示竒特願劫名大寶嚴所以名曰大寶嚴者謂彼佛國諸菩薩衆諸菩薩衆有無央數不可思議無能限量唯有如來乃能知數菩薩大士在其佛土爲覺意寶行如蓮華無有新學久植德本淨修梵行而無年限親近如來常應佛慧具大神通悉存法要勇猛志强諸菩薩衆具足如是無有缺減是故其劫名大寶嚴蓮華光佛當壽十二中劫不可計童子時也其國人民當壽八劫蓮華光如來過十二劫有菩薩名堅滿當授其決告諸比丘言此堅滿

大士吾滅度後當得無上正真道號度蓮華界如來正覺蓮華光佛滅度之後正法像法住二十中劫其佛世界如前佛土等無差特度蓮華界如來亦壽二十二中劫爾乃滅度佛滅度後其佛正法及像法住二十二中劫爾時世尊以偈頌曰

卿舍利弗於當來世得成為佛顯如來尊號蓮華光普平等目教授開化衆庶億千奉事無數諸佛億載於彼修力多所興立所在勸化得爲十力便當成就上尊佛道不可思議無央數劫劫當號名大寶莊嚴世界名曰爲離諸垢其蓮華光國土清淨以紺瑠璃遍敷爲地紫磨金繩連綿爲飾若干種樹皆七寶成其樹華實悉以黃金彼諸菩薩意皆堅強所造言行聖哲聰明

本二

五

善學佛道億百千垓是等來現最勝法教佛最後時無有陰蓋爲童子時無所慕樂棄離愛欲即出家去便得成就上尊佛道斯最勝尊則得自在其命當壽十二中劫法教當立盡于八劫彼命限量劫數如是若大聖佛滅度之後當具足滿二十中劫爾時法住若干之數愍哀天上及世間人其佛正法滅盡之後像法當住二十中劫彼大聖明舍利流布男神女鬼供養最勝其世尊德亦當如是告舍利弗且當自度仁者國土嚴飾如是兩足之尊自然無倫爾時四部衆比丘比丘尼清信士清信女天龍鬼神捷沓和阿須倫迦留羅真陀羅摩休勒聞佛世尊授舍利弗決當成無上正真之道心懷欣豫歡喜踊躍不能自勝各自脫身

衣以覆佛上時天帝釋梵忍跡天及餘無數億千天子各各取衣供養世尊以天華香意華大意華散于佛上諸天衣物悉在虛空羅列而住天上妓樂自然而鳴天上大聲自然雷震普雨天華咸共舉聲而皆歎曰今所聞法自昔未有前波羅奈鹿苑之中始轉法輪蓋不足言今佛世尊則復講說無上法輪時諸天子以頌讚曰

於世無雙比 今者轉法輪 爲男女講議  
陰衰所從起 彼第一暢說 十二展轉事  
今導師所演 少能信樂者 從世雄大聖  
面聞無數法 住始至于茲 未聆如斯典  
大導師所說 我今代勸助 勇猛舍利弗  
而乃得授決 爲歎本發意 所供養佛數  
我當蒙及還 得佛世最上 已所造淨行

類數若干種 奉過去諸佛 穩獲佛道義  
於是舍利弗白世尊曰我今無結狐疑已除  
現在佛前得授予決爲無上正真道又曰大  
聖斯千二百得自在者昔來豈不住學地乎  
當來如是此佛教耶斯諸比丘頓止行門遵  
尚法律度老病死咨嗟泥洹是諸比丘無央  
數千供養世尊學諸所學畏吾我懼三世毀  
諸見衆邪行立滅度已懷此想得至道場初  
未曾聞如是像法心每猶豫善哉世尊願說  
要義使此比丘疑網悉除今四部衆意咸悵  
恨當令坦然無餘結恨佛告舍利弗向者吾  
不說斯法耶以若干種善權方便隨其因緣  
而示現之如來至真等正覺所分別演皆爲  
無上正真道故我所咨嗟皆當知之爲菩薩  
也又舍利弗今吾引喻重解斯義有明慧者

當了此譬喻如郡國縣邑有大長者其年朽邁坐起苦難富樂無極財寶無量有大屋宅周市寬博垣牆高廣其舍久故數百千人而在其內唯有一門及監守者堂屋傾危梁柱腐敗軒窓既多多積薪草時失大火從一面起普燒屋宅長者有子若十二十欲出諸子木二諸子放逸嬉戲飲食卒見火起各各馳走周憚詰屈不知所出父而念曰今遭火變屋皆然熾以何方便勉救吾子時父知子各所好喜即爲陳設象馬車乘遊觀之具開示門閭使出于外鼓作倡妓絕妙之樂戲笑相娛今濟火厄當賜衆乘象車馬車羊車妓車吾以嚴辦停在門外速疾走出出避火災自恣所欲從意所樂諸子聞父誨勅所賜象馬車乘音樂之屬各共精進廣設方計土塗水澆奔

走出長者見子安隱而出四面露坐心各踊躍不復恐懼各各白言願父賜我諸所見許若干種妓相娛樂具象馬車乘又舍利弗彼大長者等賜諸子七寶大車珠交露幔車甚高廣諸珍嚴莊所未曾有清淨香華瓔珞校飾敷以繒褥氍毹綻衣被鮮白鑠如電光冠幘履屣世所希有若干童子各各擎持一種一色皆悉同等用賜諸子所以者何今此幼童皆是吾子寵敬等愛意無偏黨以故賜與平等大乘又舍利弗吾亦如是爲衆生父停儲庫藏滿無空缺如斯色像教化誘進惠示大乘諸子則尋獲斯大乘以爲奇珍得未曾有而乘遊行於意云何長者賜子珍寶大乘將無虛妄乎舍利弗白佛不也安住不也世尊其人至誠所以者何彼大長者救濟

諸子而不欲令遇斯火害隨其所樂許而賜之適出之後各與大乘以故長者不爲虛妄究竟諸子志操所趣故以方便令免患禍況復貯蓄無量寶藏以一色類平等大乘賜子不虛佛言善哉舍利弗誠如所云如來至真等正覺超越十方無黠衆冥解脫憂恐拔斷根芽枝葉華實如來慧現法王神力爲世之父善權方便攝持思義行平等大悲道心無盡愍哀三界大火熾然黎庶不解故現世間救濟衆生生老病死諸不可意結縛之惱裂壞所著脫屣怒癡誘導三乘漸漸勸示無上正真平等之道適興于世覩諸群萌妄想財業愛惜無厭因從情欲致無數苦於今現在貪求汲汲後離救護便墮地獄餓鬼畜生燒炙脯煮飢渴負重痛不可言正使生天及在

人間與不可會恩愛別離憂惱難量一時離苦歌舞戲笑不知恐畏無所忌難不自覺了不肯思惟計其本末不求救護復見燒然三界衆生勤苦之患吾當施立無極大安無數百千不可思議諸佛正慧其有蕩逸迷惑欲樂如來誘立道慧神足善權方便化現佛慧使聞佛力力無所畏衆生難悟不肯尋受因緣所縛未脫生老病死憂患未始得度三界燒炙不了所歸何謂解佛慧者譬如長者立強勇猛多力諸士救彼諸子使離火患方便誘之適出在外然後乃賜微妙奇特衆寶車乘如是舍利弗如來正覺以力無畏建立衆德善權方便修勇猛慧觀見三界熾然之宅欲以救濟衆生諸難故現聲聞緣覺菩薩之道以是三乘開化驅馳使棄愛欲教諸萌類

滅三界火姪怒癡縛色聲香味細滑之法三處五欲五欲燒人不倚三界便得三乘勤精進三乘則超三界進三乘者諸佛所訓也黎庶則至無央數集世尊現戲行爲娛樂修此根力覺意禪定脫門三昧正受然於後世致大法樂安隱欣豫無所罣礙又舍利弗其有衆生未興起者如來出世有信樂者樂佛法教精進奉行最後竟時欲取滅度謂聲聞乘遵求羅漢享出三界譬如長者勉濟子難許以羊車若復有人無有師法自從意出求至寂然欲獨滅度覺諸因緣於如來法而行精進謂緣覺乘出之火宅許以馬車假使有人求諸通慧諸佛道慧自在聖慧自從心出無師王慧多所哀念多所安隱諸天人民欲利天上世間人民滅度黎庶於如來法奉修精

進欲求大聖普見之慧力無所畏謂如來道菩薩大士所履乘也譬如長者勸誘其子免火患難許以象車驅出火宅父見子高大殊妙七寶大乘如來正覺亦復如是覩無數衆億百千垓使度三難勤苦怖懼從其所願開生死門遂令脫出難嶮恐患使滅度安又舍利弗如來爾時從終始宅以無數慧力無所畏觀衆罪厄矜哀喻子普勸進使歸於佛乘不令各各從意而滅度也如來悉誘以佛滅度而滅度之假使衆生得度三界以如來慧脫門定意賢聖度門安慰歡娛施樂法義惠以一貌佛之大道如彼長者本許諸子以三品乘適見勉難各賜一類平等大乘誠諦不虛各得踊躍無有慍恨如來如是本現三乘

然後皆化使入大乘不爲虛妄所以者何當知如來等覺有無央數倉庫帑藏以得自在爲諸黎庶現大法化諸通愍慧當作是知當解此義如來等正覺善權方便以慧行音唯說一乘謂佛乘也世尊頌曰

譬如長者而有大宅極甚朽故腐敗傾危有大殿舍而欲頓壞梁柱棟皆復摧折多有軒闔及諸牕牖又有倉庫以泥塗木高峻垣牆壁障崩隤薄所覆苦彌久彫落時有諸人五百之衆皆共止頓於彼舍宅有無央數草木積聚所當用者滿穠無量一切門戶時皆閉塞有諸樓閣及衆蓮華億千衆香而有芬氣若干種鳥眷屬圍繞種種虺蛇蝮蛇逋竄在在處處有諸惡蟲有若干種磼狸鼷鼠其字各異嗚呼啾嗤

其地處處而有匿藏溷廁屎溺汙穢流溢蟲鳥刺棘充滿其中師子狐狸各各嗥吠悉共咀嚼死人屍骸何人聞見而不怖懼無數狗大蹲伏窠窟各各圍繞皆共擣掣假使此等飢餓之時普皆諍食疲瘦羸劣鬪相齶齧音聲暢逸其舍恐畏變狀如是有諸鬼神志懷毒害蠅蚤壁虱亦甚衆多百足種種及諸魍魎四面周帀產生孚乳各取分食羯羶羝羊不得奔走歸其處所雖諸鬼神來擁護之不能濟脫令不被害彼諸鬼神亦食衆生雖得飽滿心續懷惡群品不同種姓別異若有死者皆埋塚埌彼志出外而遊所處鳩桓音志存暴弊舒展兩臂往來經行無有呪術可以辟除於時諸犬取其兩足撲令仰卧而就繫之

捉其兩脚 紂加頸項 坐自放恣 心意蕩逸  
諸黑象衆 厥狀高大 體力強盛 跋扈自在  
旬日飢餓 行求飲食 遙見芻藁 奔走趣之  
有鍼嘴蟲 及鐵喙鳥 在丘壙間 見人死屍  
惡鬼凶嶮 放髮叫呼 諸魅湊滿 貪欲慢翰  
窓牖顯明 視瞻四顧 於斯闢看 不可得常  
諸邪妖魅 及衆餓鬼 騞鷙羣集 悉行求食  
其宅恐難 如是品類 有大園觀 墻壁隤落  
室宅門戶 坍裂破坼 唯一男子 而守護之  
其人在裏 止頓居時 爾時失火 尋燒屋宇  
周迴四面 而皆燔燒 無數千人 驚怖啼哭  
於今火盛 焚我子息 又彼尊者 舉聲稱怨  
堂柱摧滅 垣屏碎散 諸神餓鬼 揚聲喜喚  
鶠鷙數百 飛欲避火 無數鳩桓 助勸懷憫  
百千妖魅 慄惶馳走 親自目見 火所焚燒

木二

十三

無量群萌 烏燭灰燼 諸薄祜者 爲火所災  
各各懊惱 而見焚燒 灸燎焦爛 沸血流離  
於時彼宅 強猛之衆 一一鬼魅 悉共噉食  
臭烟烽燎 稱讚香美 一切奔驚 周旋詰屈  
蜈蚣蚰蜒 蚊蟬並出 獵魅勇逸 多所咀齧  
頭上火然 遊行嬉怡 悉飢食歟 火所燒者  
其屋宅中 怖惶若茲 百千人衆 燒喪狼藉  
於時宅主 大勢長者 見之如斯 急急趨務  
聞此災禍 慇念諸子 建立妓樂 寶乘誘出  
有諸愚癡 不能解知 於彼戲笑 放逸自恣  
長者聽察 尋入館內 驗夫不覺 無解脫想  
今我諸子 閣蔽閉塞 一切盲聾 無有耳目  
以戲樂故 而自繫縛 種姓孫息 甚難得值  
凡品衆庶 若干等倫 遭大火災 各各痛惱  
鬼神蛇虺 心中懷毒 無數妖魅 歡喜踊躍

諸狼狽狗亦不可計飢渴欲求飲食之具我子衆多皆沒于此設無火災亦不可樂孤疑衆結酷苦若是何況周匝普見熾然執愚意者於斯自恣諸子貪戲而相娛樂永不思惟木二父所言教心不自念速備方計爾時長者意自忖度吾生此子勤苦養育得無爲火而見燒炳於何救子而脫孫息即自思議立造權計今我諸子耽酒音妓禍害垂至非戲樂時痛哉愚憒不覩酷苦諸童殷懼不識此難今吾心怖子樂逸蕩安從精進免濟火燔即尋設計於舍之外施張妓樂遊戲之具子所好慕吾皆辦之調隱音節一時俱作諸子聞斯貪愛樂音各各速疾盡力勸勵驅逐一切逃出災屋得脫苦難集于一處安隱歡然無復恐懼

於是長者見諸子出心中寬泰意得自由廣設衆具師子之座吾身今日則獲無爲彼諸苦患已永盡除斯諸童子修精進力迷在火宅而自放恣前者曾更無限眠寐火焰然熾人遭此難陰蓋所覆心不開解今日一切皆得解脫已致自然志之所願父見諸子志在安隱於時諸子往詣長者唯願天父各各賜我如前所許若干種乘本居遇火迷冥不悟大人勑教一切奉承當賜諸子三品之乘今正是時願垂給與於時長者勑侍開藏紫磨天金明月珠寶上妙珍異世所希有極好奇特弘雅之車最尊難及莊校嚴飾周匝欄楯珠璣瓔珞幢旛縉綵而爲光觀金銀交露覆蓋其上煥暉殖立珍寶諸華四面周匝而皆下垂

車上重疊 敷諸坐具 天繒白氈 而不可計  
又復加施 柔軟裯蓐 無量綻綻 參席于車  
計所校飾 車價億千 奇異珍寶 無量兆載  
其象多力 鮮白如華 象身高大 儀體優馴  
調駕寶車 以爲大乘 於時長者 嚴車已辨木二  
各以賜與 諸正士儔 皆是我子十四 一切等給  
是時諸子 歡喜踊躍 各各處處 欣慶相娛  
告舍利弗 大仙如是 爲諸群生 救護父母  
一切衆庶 皆是我子 爲三界欲 所見纏縛  
計惟三處 如彼火宅 勤苦患惱 具足百千  
此則所謂 普然無餘 生老病死 憂哭之痛  
佛爲三界 救度元導 遊在閒居 若坐林樹  
則常應時 將護三處 彼見燒炙 斯皆吾子  
寤諸黎庶 令得自歸 由此意故 示現于彼  
一切黎元 愚不受教 坐著愛欲 而自繫絆

善權方便 爲大良藥 分別三乘 以示衆生  
適聞三界 無量瑕穢 則以隨時 驅勸令出  
其諸菩薩 來依倚佛 六通三達 成大聖慧  
或有得成 爲緣覺乘 逮不退轉 致佛尊道  
現在諸子 因佛自由 以是譬喻 無有瞋恨  
緣是得近 於佛道乘 受斯一切 得爲最勝  
於是恢闡 平等之信 降伏棄離 一切世色  
諸正覺慧 殊異道德 稽首歸命 於兩足尊  
根力脫門 一心如是 三昧之定 億數千垓  
諸佛之子 常所宗重 斯則名曰 尊妙大乘木二  
畫則誓願 志存降魔 夜恒專精 欽慕不倦  
於一年歲 若歷劫數 度脫衆生 無數千垓  
所喻寶乘 則謂于斯 以是遊至 於佛道場  
無數佛子 以爲娛樂 其有聽者 安住弟子  
告舍利弗 婦當知是 計有一乘 則無有二

徃至十方 一切求索 知人中上 普行善權  
稍稍誘進 從微至大 先現聲聞 縁覺之證  
適德三界 欲捨之去 然後便示 菩薩大道  
佛恩普潤 譬如良田 隨其所種 各得其類  
種者所植 非地增減 佛亦如是 一切普等  
常示大道 取者增減 佛則於彼 諸仁者父  
我常觀省 衆庶苦惱 無數億劫 而見燒煮  
三界之中 恐畏之難 佛爲唱導 使得滅度  
諸賢無爲 今日乃知 奉捐生死 脫勤苦患  
其有菩薩 住於是者 至誠之決 取譬若斯  
一切普聞 佛之明日 諸大道師 行權方便  
所當勸助 如諸菩薩 瑕穢愛欲 亦可惡厭  
心闇塞者 而見汙染 是故導師 爲說勤苦  
現四聖諦 當分別此 假使衆人 不解衆惱  
根著異塵 不肯捨離 故爲是等 而示其路

因緣所習 而致諸苦 愛欲以斷 常無所著  
已得滅度 於斯三品 了無有異 則得解脫  
若修八路 便得超度 告舍利弗 何所爲度  
受無所有 則爲解脫 彼亦不爲 一切解脫  
無所滅度 便見導師 佛何以故 而說解脫  
無有逮者 乃成佛道 當得如我 爲聖法王  
以安隱義 現出于世 告舍利弗 是吾法印  
是佛最後 微妙善說 慇傷諸天 及於世間  
在所遊處 常能獨行 假使有人 講說是典  
若有勸助 代歡喜者 聞其妙法 當奉持之  
木二  
爲悉供養 過去諸佛 奉持此法 至不退轉  
十六  
假使有人 信樂斯經 往古以見 過去導師  
亦悉奉順 諸聖至尊 加得逮聞 如是典謨  
皆復曾見 吾之儀容 又亦觀察 我比丘衆  
常觀觀視 今現菩薩 信斯典者 德亦如是

一切皆暗 是諸菩薩 其信此經 則亦如是  
頑駁闍夫 不肯篤信 若說此經 謂得神通  
諸聲聞黨 非其所逮 緣覺之乘 亦不能了  
今我所有 諸聲聞衆 舍利弗身 堅固信之  
仁輩如是 信大法典 現在悉盡 不著因緣  
假使不應 斯經卷者 則爲謗訕 佛天中天  
闇冥輩類 常志愛欲 未曾解了 無所生法  
又其毀謗 善權方便 世間所有 佛常明日  
其聞佛說 講此罪福 志不歡樂 顏色爲變  
我今現在 及滅度後 若有誹謗 如是典比  
不使比丘 書寫斯經 佛說罪緣 皆宜普聽  
沒失人身 隘無擇獄 處於其中 具足一劫  
又無央數 過是之限 若罪竟已 常在癡冥  
假令得出 於地獄中 便當墮手 禽獸畜生  
爲狗鹽狐 其形憔悴 當入人宅 或復見害

木二

十七

設有憎惡 佛經典者 其色變黑 黲靨如墨  
罪之所爲 顏常若漆 身體羸瘦 面無潤澤  
爲諸品類 所見賤穢 瓦石打擲 啼哭淚出  
其人常被 摳捶榜笞 飢渴虛乏 軀形瘦燥  
當墮畜生 駱駝驢驥 常負重擔 而得捶杖  
心中懊惱 厥求芻草 誇佛斯經 獲罪若此  
雖得爲人 身疽瘍瘡 狀貌矬陋 肌色傷爛  
假使行人 縣邑聚落 童子輕易 戲弄杖踢  
其愚駢子 若後壽終 卽當墮生 邊夷狄處  
當爲舍血 蠕動之類 或爲聾啞 不得自在  
假使誹謗 此經獲罪 常多疾病 體生疽蟲  
無數之命 咳食其軀 心常憂療 痛不離已  
告舍利弗 不信此經 彼男子者 無黠無明  
所在慳貪性 常囁哳 生盲無目 人所棄捐  
人坐不信 於佛大道 口中常臭 惡氣外熏

鬼神厭魅 詳觸燒之 普世俗人 無用言者  
假使不樂 斯道地者 所在窮乏 常當貧匱  
身未常得 著好被服 財業雖豐 不敢飲食  
有所造作 當所爲者 假使欲求 安隱之具  
設有所得 尋復忘失 興發惡行 果報如此  
假使呼醫 合諸方藥 善知方便 而療治之  
有不除差 反轉增劇 恒被疾病 不得所便  
設復發意 興立餘事 則遭擾擾 謎諍之業  
又見毀辱 而被楚撻 彼犯律者 當遇此患  
若有誹謗 斯經之罪 未曾得見 世雄導師  
人中帝王 佛之法教 卒暴墜鬼 阿須倫神  
恒當羅殃 耳聾閉塞 愚癡駭瞞 不得聞經  
設有誹謗 斯經典者 然於後世 永無所見  
假使毀呴 斯經罪果 砥無數億 百千之計  
若干垓劫 如江河沙 常當瘡痘 口不能言

佛所立道 常師子吼 毀者地獄 以爲遊觀  
勤苦惡趣 用作居宅 已所犯罪 致殃如斯  
又多疾患 自速瘡痘 若在世間 當獲此咎  
坐在衆會 兩舌欺言 命欲盡時 舉賈生息  
其身恒遭 若干苦痛 無央數億 百千衆患  
顏貌常黑 人所不喜 砥暴疽漏 常有臭氣  
自見吾我 顏色黧黯 瞳恚懷毒 怒害滋甚  
情欲熾盛 無有節限 有所好忤 若如畜生  
告舍利弗 今日世尊 具足一劫 說其人罪  
若有誹謗 斯佛經者 欲計殃限 不可究竟  
見是義已 當觀察之 今我故爲 舍利弗說  
不爲愚駭 不解道者 分別論講 如斯像法  
其有聰明 廣博多聞 秉志堅強 常修億辯  
若有勸發 邊尚佛道 爾乃聽受 未曾有法  
則已覩見 億百千佛植 無央數如意功德

其人志性 猛如月光 爾乃聽受 如是典籍  
若有精進 志常懷慈 常於夙夜 照曜悲哀  
捐棄軀體 不惜壽命 爾乃聽受 於斯經卷  
常行恭敬 無他想習 其心專一 不立愚惱  
恒處曠野 若隱巖居 彼等仁人 爾乃聽受  
木二  
結親善友 常相恃怙 捐棄遠離 諸惡知識  
常得逮見 如是佛子 乃能值遇 若斯言教  
不犯禁戒 如寶明珠 志習奉受 方等諸經  
當見如茲 佛聖子孫 常專精此 一品經卷  
設有罵詈 毀辱經者 恒以愍哀 向于衆生  
常志恭敬 承安住教 今故爲之 說是經法  
其在衆會 詩斯經者 心常如應 得無合會  
引無央數 億載譬喻 故爲是倫 而見斯典  
又佛今日 講解道品 所至到處 踊躍而步  
假使比丘 欲求善說 若見此經 當欣頂受

其有奉持 方等經者 心常專精 不樂餘業  
執持一頌 志不改易 乃得聽受 如是弘模  
假使有人 慕求斯經 當崇敬之 如如來身  
若人思僥 欲學此法 設令得者 當稽首受  
其人不當 念索餘經 亦未曾想 世之群籍  
而行佛道 志在根力 悉捨離之 講專斯經  
告舍利弗 佛滿一劫 舉喻億千 分別解說  
設有願發 上尊佛道 當以斯經 宣暢布散

正法華經卷第二



黧 治 力  
黑 郎 疾 嵴  
色 畏 也 切  
也 切 咬 木二  
忤 口 將 二  
逆 五 跋 七  
也 故 也 切  
切 痘 痘  
漏 瘡 虞 余  
瘡 也 痘